

光緒山西通志

山川考八

考二之八

山西通志第三十八

賜進士出身頭品頂戴兵部侍郎兼都察院右副都御史巡撫山西提督軍務臣張煦奉
旨監修

恆山

武州山

西山
東山

南山

恆山北嶽也在渾源州南二十里山半有嶽廟

國朝順治十七年自曲陽移祀於此山勢最高雄峙并代俯
臨內外三關屹然爲京師右衛近則崞川北橫滹水南出龍
山在其右脇直谷當其左衝具見圖志而元岳之名顧尠有
述蓋高是之正峰卽大茂之祖幹曲陽其趾阜平其脊渾源
則其巔也今志始岳南麓東至飛狐之炭北盡桑乾之陰句
注以東之山悉以屬之

山海經高是之山茲水出焉南流注於庠沱滹水出焉東

流注於河注山在北地

案當云代郡

靈邱縣涑水過博陵縣南

東北入於易水

水經注瀑水又東崞川水注之水南出崞縣故城南王莽之崞張也縣南而元岳右背崞山處二山之中故以崞張爲名矣又涑水注云長星水亂流東逕恆山下廟北漢末喪亂山道不通此舊有下階神殿中世以來書法族焉晉魏改有東西二廟廟前有碑闕壇場列柏焉其水又東逕上曲陽縣故城北本岳牧朝宿之邑也古者天子巡狩常以歲十一月至於北岳侯伯皆有湯沐邑以自齋潔周昭王南征不還巡狩禮廢邑郭仍存秦罷井田因以立縣城在山曲之陽是曰曲陽有下故此爲上矣

唐書地理志靈邱有直谷關

括地志地道記云北岳別名華陽臺自上曲陽縣西北行

四百五十里得常山炭號飛狐口北則代郡也爾雅小山

郭注炭謂高過錢大听云子族子姑嘗引晉書地道記恆

山北行四百五十里得恆山炭號飛狐口證恆山即恆之

此證甚分明大山宮小山即南嶽之雷山則小山炭大山

為北嶽之恆山齊矣郭訓炭為高過亦未然說文炭作駁

駁馬行相及也山相及有縣互之象故以恆為名俗

人妄改從山案錢說甚弱可為渾源恆山左證矣

沈括夢溪筆談北嶽謂之大茂山嶽祠舊在山下祠中多

唐人故碑石晉之後稍遷近裏今其地謂之神棚新祠之

北有望岳亭新時氣清則望見大茂山方輿紀要大茂山

十里即恆山之巔一名神尖石晉與契丹分界

處今阜平曲陽唐縣慶都皆緣大茂山之麓

金史范拱傳大定七年除太常卿或有言前代都長安及

汴洛以太華等山列為五岳今既都燕當別議五岳名拱

以為非是議略曰軒轅居上谷在恆山之西舜居蒲坂在

華山之北以此言之未嘗據所都而改岳祀也後迷不改

元道山集有遊龍山詩

又有玉泉七律二首起句云神岳

玉泉寺在龍山北所云神岳蓋卽今恆山又詩前有七月

十二日行狼牙嶺十三日度岳嶺則由潭源入鎮州所作

綱集者誤次於前今靈邱縣南入劉祁遊西山記東則岳神山如屏青松翠柏間隱隱有樓

觀案此則南山當時稱岳神山以有岳廟而名也其觀州

與元好問詩上公秩祀見僧碑者可互證而祁以州人記

其鄉山水至數千言於南山僅著此語好問在州於龍山

玉泉李峪望湖川並有題詠詩中概稱南山亦不以恆嶽

名是在元時惟黃冠緇流彼此誇躍士大夫不援爲故實

也明人則直明史地理志渾源州南有恆山卽北嶽與北直曲陽縣界

舊通志北嶽恆山在城南二十里高十里周百三十里

北連玉華峰東連柏山南連槍鋒嶺山脈由陰山南入

朔平大同府境由朔州西折而東爲句注覆宿夏屋茹
越書崖突越於州南爲恆山由恆山南行爲太行王屋
西南盡於河東行爲紫荆居庸而東北盡於海山嶺北
嶽廟有十入景漢後祠曲陽明宏治十五年兵部尚書
馬文升疏請蓋正祀典改
祭北嶽於州禮部尚書倪岳覆議曲陽廟祀已久當仍
舊山在澤潞者修治其廟萬厯中大同巡撫胡來貢再
請改祀尚書沈
經議覆不樂

國朝順治十七年始祀於州從御史粘本
盛之請也

大同府志恆山之巔曰天峰嶺下建北嶽觀左巖寶曰
還元洞石爲飛石窟兩崖壁立豁然中虛相傳爲曲陽
安王石符券上建后土祠鎮之觀前風似虎吼名虎風
口得一菴在其上以道士魏得一名觀東南五十步有
元武井一廿一苦能已疾疑卽福地記所謂太元泉泉

上建龍泉觀其東有夕陽廢日入崦嵫巖獨明巖下有
通元谷唐通元先生張果隱此巖東面有碧峰嶂東南
有果老嶺縣互峻險其下巋然蹲峙者曰白虎峰觀之
北峰頂百餘步有琴棋臺一峰突出俯視諸山如攬戟
覆敦臺下爲會仙府又東北爲白雲堂中有洞初入山
名步雲路碣銘塞外第一山行數里有翠雪亭上亭坡
名望仙嶺東半崖有集仙洞東北有紫芝峪明嘉靖間
採取北嶽元芝處也下有巨石方半畝階級天造曰振
衣臺西南有石脂圖石版作五色紋類雲母彈丸明珠
膩者可作散又有總真洞白雲洞爾雅恆山爲北嶽尙
書大傳謂之宏山漢諱孝文帝名改常山唐元和中名
鎮山宋諱眞宗名亦曰常山水經注謂之元岳又名陰

岳紫岳大恆恆宗命岳茂邱皆別名也案禹貢注史記
趙世家注漢書地理志注皆云恆山在上曲陽縣杜氏
通典文獻通考亦云定州曲陽縣北岳恆山在焉蓋漢
唐之常山郡並在恆山東南而北魏之恆州北齊之北
恆州則在恆山之北曲陽在隋爲恆陽縣渾源元初爲
恆陰縣山南曰陽山北曰陰其實皆以山得名名山記
恆山周回三千里管子曰恆山北臨代南俯趙東接河
海之間今渾源南之恆山與阜平東北之大茂山綿亙
三百餘里勢本聯屬第山脈自北而東而南騰躍入紫
荆倒馬以達於曲陽是大茂乃山之脊而突起於渾源
南者其來龍也

與恆嶽連脊而南者曰槍峰嶺卽高氏山也濠水出焉一名

嘔夷爲并州川又南則滋水所出之枚回山也有瓶形嶺西連句注塞其東循澮水而下者曰候塘川曰暄谷世亦稱爲澮源有石銘陁在嶽之陽又東爲太白山靈邱之南山也曰野窩嶺曰鷲毛嶺曰柏巖在山之右與枚回山連南出鐵嶺入阜平界曰覺山曰隘門山曰御射臺在山之左與倒馬關通南至狼牙溝入唐縣界

周禮并州其山鎮曰恆山其川曰虢池嘔夷

漢書地理志代郡靈邱縣澮河東至文安入大河過郡五行五百四十里

水經澮水出代郡靈邱縣高氏山東南過廣昌縣南又東南過中山上曲陽縣北恆水從西來注之又東過唐縣南注卽嘔夷之水也出縣西北高氏山其水東南流山上有

石題言冀州北界故世謂之石銘陁也其水又南逕候塘川名也又東合溫泉水水出西北暄谷其水温熱若湯能愈百疾故世謂之溫泉焉澗水又東莎泉水注之又東逕靈邱縣故城南應劭曰趙武靈王葬其東南二十里故縣氏之縣古屬代漢靈帝光和元年中山相臧昊上請別屬也澗水自縣南流入峽謂之隘門設隘於峽以譏禁行旅歷南山高峰隱天深溪埒谷其水沿澗西轉逕御射臺南臺在北阜上臺南有御射石碑南則秀嶂分霄層崖刺天積石之峻壁立直上車駕沿澗每出是所遊藝焉澗水西流又南轉東屈逕北海王祥之石碣南御射碑石柱北而南流也澗水東逕嘉牙川又東逕倒馬關澗水自倒馬關南流與大嶺水合澗水又東逕左人城在唐縣西北四十

里有雹水亦或謂之唐水也注涑水涑水又東恆水從西來注之自下涑水蓋納恆川之通稱焉卽禹貢所謂恆衛既從也

自嘉牙川以下皆非晉地以大嶺卽古恆嶺而涑水今通名唐河節錄其文

寰宇記高是山在靈邱縣西北七十里山海經云高是之山涑水出焉土地記鹵城東三十八里有枚迴嶺北與高是山連麓接勢通爲高是山石銘煙嶺在縣西北八十里上有石銘題言冀州北界嘔夷水一名涑水出縣西北高是山涑水出縣西南枚迴山太白山在縣南十里山有鐘乳穴其深不測仰望穴中乳如懸穗滴漚穴中有小水名石井隘門山亦曰隘口今呼爲龍門在縣東南一十五里有古道極險隘後魏元明帝於此置義倉之所射臺在縣南一十八里後魏文成帝和平二年南巡於此路左有山

高七百仞命羣臣射之不過半帝乃射之箭過其頂三十餘仞落山南三百步遂刻石其碑見存陰刊從臣姓名魏書帝紀雲邱南有山高四百餘丈帝彎弧發矢出山三十餘丈過山南二百二十北文小異又北海王詳傳高祖自洛北巡至高宗射銘之所停駕詔諸弟及侍臣皆試射遠近惟詳箭不及高宗箭所上餘步高祖嘉之拊掌欣笑遂詔勒銘親自爲制碑注所謂滄水南轉東屈徑北海王詳之石碣南御射碑石柱而南流者也則射臺在水之陽兩碑在其陰所射之山卽太白山之尾也寰宇記路左字蓋揮言之

舊通志槍鋒嶺在渾源州東南五十里高五里盤踞十

六里南連孫臏山北連恆山嘔夷河經流山麓孫臏山

在州東南六十里南麓有千佛洞鑿石而成溫泉在州

東南百里湯頭鋪水似湯沐浴愈疾後魏興光元年十

二月還幸靈邱至溫泉宮出帝時楊遵彥所急就雁門

溫湯療疾

魏書楊愔傳齊神武徵赴晉陽從兄幼卿爲刺史以直言見詠愔問之因哀感發疾棄

衣冠於水濱若見沈者變易姓名自稱劉士安入嵩山

案魏土地記去桑乾縣城十里有溫泉能療疾其地在今直隸蔚州北九十里西甯縣東八十里魏書凡云代

郡溫泉代溫泉者皆在彼惟唐河三源翠屏山涑水在言靈邱為水經注之喧谷也

州南槍鋒嶺嘔夷河湯頭鋪溫泉匯為涑水經唐山縣七里

又為唐河水經注即溫泉之水是涑水嘔夷河溫泉并

稱矣案宋本水經注嘔作漚道傳刻作由槍鋒嶺至金涑未可據為溫水嘔夷合稱之證

峰石溝堂山之水自西北來合流案金峰嶺在州東南六十里石溝堂山之

水即州志所謂涑水出翠屏山者也經注之侯斯川今本譌為侯侯唐也

大同府志太白山其脈自恆山東來若斷若續至靈邱

縣南二十里復拔地而起高極雲表為邑諸山之冠石

磴十八盤延袤數十里山有鐘乳穴滴如懸穗初夏積

霰古水厚數尺徑多叢木茂草虎狼錯迹惟山陽地頗

廣衍黃花蕨菜爲茹甚美其陰施水逕之遼史謂之鬼
白山今土人猶稱太白鬼云野窩嶺在太白西東北距
縣治三十里路通鐵嶺口山半舊有礦洞驚毛嶺北距
縣七十里路徑叢岐下關繫嶺諸村分布嶺下道通鐵
嶺關柏巖上有古寺又煙熏巖樹木皆黑石作火燼俱
北距縣四十里方輿紀要落路口在阜平縣東北百十
里爲鐵嶺口蒙邱縣志南至阜平縣鐵嶺口一百三
十里案魏書太祖紀天興元年發卒萬人治直道自望
都鐵嶺至恆嶺至此口覺山北距縣治三十里由隘門山
五百餘里當卽此口峽入取道巖石間路裁容騎右壁峭插千霄左絕澗數
百丈怒湍雷碾衆山殷響上有古刹名覺山寺元魏建
白浮屠古井猶存又有鐵確巖懸鐘巖舍利洞山空月
明巖際嘗聞棋子剥啄聲土人以爲飛仙往來云

案山因寺

而名實卽隘門之南山也又東二十里入倒馬關爲廣昌地舊志誤與廣靈蔚州之石門口合爲一

靈邱縣志南至狼牙溝八十里直隸唐縣界方輿紀要

倒馬關西南六十里西北至靈邱縣百二十里一名狼牙嶺

謹案今恆嶽水經注之高氏山石銘陘山也其名蓋始於後漢今之渾源本漢靈邱崞二縣地崞屬雁門在山北并州境也靈邱在山東與山南之鹵城並屬代郡幽州境也後漢旣割鹵城屬雁門割靈邱東之廣昌屬中山復從中山相之請並靈邱改屬而冀州之北境乃斗辟於幽并之間故畫山表界勒銘巖巔也然是漢代州制若禹貢則幽并皆冀州也禹貢導山言太行恆山至於碣石於冀州特舉恆衛二水言衛以示太行之限言恆以括恆山之全衛水卽津沱恆水今桑乾

說詳沿革
疆域考

蓋自淳沱以北桑乾以南句注以東盧龍
以西其山皆統於恆管子謂恆山北臨代南俯趙東
接河海之間是也今由石銘陞北踰崞山至桑乾河
不過百里南踰瓶形嶺至淳沱源亦不過百里其東
則枚迴嶺也又東則大茂山也大茂卽恆山人皆知
之高氏山爲今北嶽罕有言者揭其大勢庶泥古者
不必爭曲陽之舊祀而方志附會支離之說亦可息
矣

右寇水以南諸山在渾源及靈邱南境者

恆麓之西爲資窰峽峽水北流入渾河卽崞川也曰龍山曰
永安山曰橫山並出峽右南通繁峙之北樓關北盡崞川之
口與應州界

水經注崢川又西出山謂之崢口

方輿紀要磁窑口在渾源州南十七里恆山右脇路通靈

邱其西八里有李峪口西南十里又有大小凌雲二口南

通代州北樓口龍山在州西南四十五里其東北五里爲

玉泉山案元遺山集有李峪園亭看雨詩稱爲永安山後

爲封龍又以爲龍兌以史記趙世家核之皆不在此

舊通志磁窑峽口內兩峽鑿孔駕巨梁構樓於上據以

守口可稱天險有李白書壯觀二字刻東崖上遼神冊

初蕭阿古只徇山西諸郡縣下之天贊初與王郁略地

燕趙破武密鎮案磁窑鎮在定州與神冊初遼拔朔州

年不當牽合爲一磁窑口兩岸峭削如門大類劍閣諸峽泉流峽中奔湧

碎勻如建瓴而北爲神川川之東鑿石千途草橋木磴又大類連雲諸棧上有石窟架閣猶餘積木數千簣制

欲西峽在資巖峽西南三十里有天賜禪林

大同府志橫山東距渾源州治二十里南北橫亘如城故崞縣在其左高一里盤距五里疑卽水經注所稱崞山側有乳泉水護駕岡北距應州三十里相傳魏孝文駐蹕於此趙霸岡西距應州二十五里南北橫臥右脇下卽渾河

劉祁遊西山記余髫髻間嘗聞先大夫言龍山之勝甲鄉山時幼未能往其後在南方北望依依每以爲歉甲午歲還渾水明年秋八月釋棗於先聖越明日拉友人河陽喬松茂壽卿雲中劉偕德升暨弟郁同遊初出西城日方中望西山而行一二里涉水又前七八里至李谷谷在永安山下流波古木相交仰視之秋色如畫稍

東山之腋見厓間一抹碧尤佳村民曰此麻匯也予與
二三子杖而詣涉漸高並路水聲鏗鉤數股涉水行亂
石間里餘忽見青松綠楊蒼蔚中鑿厓而屋既至有僧
居因共坐西軒望平原諸峰橫立南顧永安山危巋獨
雄尊斜日秋煙滉蕩百里迨暮留詩而回夜宿李谷遲
明上永安山初入谷路甚艱兩厓夾峙峭峻其石皆踣
谷縈路詭怪若坐臥起立且時間水聲盤折而上足慄
目荒前二十里忽見一峰突兀孤高樹色青黃紅紫間
錯曉日迎之錦鮮東諸小峰側列相附又東一嶺獨嵐
翠無日氣真帷帳間諸人喜快詠詩步益健又前數百
步峰轉境又佳遂各坐大石且在青檜影中石有苔華
涵漬繡文縷縷可愛因相與俯視川野倚樹浩歌又前

數十步忽聞有聲如風雨震山又如千人喧笑不已逼視之乃流泉一派自山下入絕壑穿林絡石雪練飛逐竝聽久前至烈風崖崖嶮特蓋兩峰最高蒼藤積蔓蒙茸下有泉源諸人相謂曰此境絕不可不誌卽手泉研石各題詩又前數步路益險見西崖間復有泉出流大石上樹影交翳聲鏗鏗微風吹散珠琲四落余曰此石名琴泉又賦詩又前幾二三里樹木叢陰中殿閣屹然四五所蓋玉泉寺也路側皆暗泉行草間潏潏如人語言或者披草掀石決其源方去旣入寺寺宇歲深且經亂多摧毀廚堂鐘閣雨崩草翳僧寮多壞址獨萬聖殿完麗可觀殿中金碧璀璨溢目又有石羅漢像數百擊之鏗然亦奇緻晚憩僧舍其舍蓋余兒時從大父避亂

所居追維舊事爲之惻愴起尋玉泉泉在西南石厓下
如井厓間枝溜滴懸絡莓苔上有古樹覆蔭頗陰肅因
留題殿壁紀予今昔遊諸人亦各詩其後南上祖堂堂
絕高北望神川在掌上城邑如棋局東則岳神山如屏
青松翠柏間隱隱有樓觀南則羣山迤邐高下淺深異
姿秋葉古林色明藍斜陽照灼金柴滿山堂後有徑上
山巔余縱步獨往徑狹而危捫蘿以前望峰端樹木明
度其境必異銳進百餘步困憊又皆落木梗路遂迴然
終以爲恨北過法堂觀維摩像堂亦傾漏不完天曛入
僧舍既夜月出清寒逼人予與諸人散步檐外見峰巒
峩嶢樹木陰森禽聲嘲晰相應答仰視星磊落與人近
歟然天地如在玉壺中又相與嘯詠約二更方就寢詰

旦出戶見白雲數縷出東山延布南嶺上狀如飛龍蜿蜒山中露氣蕭爽回念塵域恍如夢間利火名香銷鍊淨盡復往祖堂川原浮靄蒼茫城中青煙萬道俄而頓洞瀾沒莫能辨須臾日出東嶺紅霞青雲屬聯滿山草木光炯炯叢石峭壁呈奇獻異欲動搖如生乃率二三子登北臺臺並絕頂支一峰緣厓百餘步方至回觀大山峭拔則蠟然草樹紅碧點綴斑駁西顧諸峰如綵樓相蔽虧陽光陰氣晦明不一望北平原百里際北嶺外雲中城閣浮屠如錐金城渾源二郡及諸村落若盤盂羅列田疇若龜甲閑張澗波數處若缺鏡裂素散擲微雲薄霧乍起乍伏若鮮衣輕袂婆娑又相與賦詩賞歎踴餘別寺僧去游龍山路自西南往穿枯木翠蔓間里

餘過山脊恍然異境也俯視重峰複嶺秋物爛斑且目
極皆山無平地厓左折徑稍夷厓上多大石或人立或
臥呀或禽翔或鬼攫森竦可畏前大林林皆青黃紅紫
相間楠密時時逢怪石覲路狀詭異山風颭至葉落如
雨觸石覆而濛濛飛嵐走翠隱映林影中旋變滅又三
四里林窮有平岡數畝可田下有泉北流又入林益西
三四里大木翳空蔽日樹底有暗泉蒙榛敗葉繁積微
有聲厓轉而南忽見龍山寺乾機坤祕駢露疊開四面
諸峰如踴躍相跂大殿在山腹丹碧湮摧雲堂影室在
殿西簷墀亦圯然其規制宏且邃依然南俯深澗澗外
皆山相聯下有大林杳窅望莫際遂緣石磴上方丈大
室三楹極整鮮西有一徑入樹陰中百餘步至文殊殿

殿在孤峰上號捨身厓神像精緻妙絕遠望千巖萬壑
絡繹參差樹葉日光炯然五色雖巧筆妙手不能圖且
緇蓋其雄麗冠龍山關外石如掌平其首齋下窺黝嶺
無底南則清涼山五臺厯厯且遙見代郡川西則鄯陽
馬邑諸城皆微茫可數諸人歎息久之稍北往西方丈
室在峭巖下懸柱而修傍視訝且恐室中讀雷少中詩
石刻蓋予從大父涪州君所書又有予從父懷遠詩在
壁其南境物不減文殊殿斯須過鐘樓出方丈後上萱
草坡寺僧云每當秋夏交萬花被坡錦繡堆花多金蓮
如燈照山谷又萱草無數故以云又號百花岡惜余來
莽不得見緣坡草滑步旋顛旣上立大木間東望峰巒
奇秀又南數步至山巔曠蕩開廓千里目中秋容蒼然

羣山齒立蓋天下絕境也下瞰西方丈在厓中又有大石突空出德升獨踞而歌余慄不能往忽聞有聲如雷震在文殊殿西遊氛歛起疑霹靂出厓底諸人駭焉後問之寺僧乃大木落也盤薄移時片雲突湧垂空恐雨作乃下飯餘往西巖巖在西方丈西數峰如斬截路鬼磊柯相倚仰觀慄慄視人神下有屋三楹幽潔前有大石石上有大樹陰翳翳其境物大概如西方丈前忽見浮陰四合微雨落又飛雲湧上走騰騰然諸人皆在雲氣中咫尺相失未幾夕日出光景鮮明餘雲變化半隱晦暮歸方丈見白雲縹渺如帷幔數十幅自文殊殿東南來奔馬莫能追其間樹彩厓姿披露閃爍怪麗甚山風振蕩林木駭人若天地轟磕開震矣夜宿方丈東

軒未寢開門月在空陰氛已開巖巒樹木殿閣相映頗
悽疎予行吟軒外幾夜半方眠自覺襟懷蕭灑意氣雄
壯如神仙中人也曉陰復合予獨曳杖復往文殊殿雲
光霧色衝突勃鬱如元氣中西望川原莽蒼不可見西
巖西方丈皆爲煙雨晦藏秋風怒號疑鬼神交戰青林
紅葉隱映乍有無余歎曰生年三十局促城市間不意
今朝見天地偉觀以寒甚不能久留乘雲氣而迴道雨
止復與諸人往西巖西方丈題詩且談笑良久時日已
中別寺僧而歸復過雲堂見梁秀巖瑀詩字畫亦美遂
由舊路東北往林間殘雨滴衣嵐氣煙霏交走橫嶺皆
眷戀不忍去因共作龍山詩又恐雨復作仍遲疑忽見
平川晴色爛然行至水窟路益北一二里出林回望龍

山脊巍峻與天角又數十步忽見高厓峭壁抉裂分張日光中映如潑黛如按藍厓間有水光炯然如劍出匣射日四山樹葉炫人余與二三子健躍歎賞又作詩以紀之自此無深林大木行黃花紅葉中又二三里行甚苦扳援方能進忽見孤峰嵌天峰上礚攢擁牙角口鼻軒軒下一峰腋出如劍諸人不覺失聲稱奇又作詩紀之回顧諸峰千態萬狀不可殫紀路益下三四里至神谷谷中有泉出石罅泠然其流散漫出山外厓東有神祠祠邊有樹余與二三子憩祠下題詩天已暮月上隨水聲行又里餘方出谷又涉水乘月往威謀宿野寺中明旦別壽卿予三人者歸渾水烏乎余生山水間故有樂山水心然南遊二十年所居皆通都大邑無山林嘗

迫狹不自得今因北歸得遊歷故山可勝快哉况干戈
未已棲隱爲上行當結屋山中覽天地變化之機而又
讀書足以自娛著書足以自奮浩歌足以自適默坐足
以自觀逍遙澗谷傲睨雲林與造化爲徒與煙霞爲友
雖飯疏飲水無愠於中振迹寬心可以出一世之外又
何必高車大蓋騁騎滿前方爲大丈夫哉因記

麻革遊龍山記余生中條王官五老之下長侍先人西
觀太華迢遞東遊洛因避地家焉如女几烏權白馬諸
峰同已厭登飽經窮極幽深矣革代以來自雁門踰代
嶺之北風壤陡異多山而阻色往往如死灰凡草木亦
無粹容竊嘗慨歎南北之分何限此一嶺地脈遽斷絕
不相屬如是邪越旣留滯居延吾友渾源劉京叔嘗以

詩來盛稱其鄉泉石林麓之勝渾源實居代北余始而疑之雖然吾友著書立說斬信於天下後世者必非誇言之也獨恨未嘗一遊焉今年夏因赴試武川歸道渾源修謁於玉峰先生魏公公野服蕭然見余於前軒語未周浹驟及是邦諸山若南山若柏山業已遊矣惟龍山爲絕勝姑缺茲以須諸文士同之子幸來殊可喜乃選日爲具拉諸賓友騎自治城西南行十餘里抵山下山無荒乍入谷未有奇沿溪曲折行數里草木漸秀闊山竦出嶄然露芒角水聲鏘然鳴兩峰間心始異之又盤山行十許里四山忽合若拱而揖環而衛者嘉禾奇卉被之葱蒨醲郁風自木杪起紛披震蕩山與木若相顧而墜者使人神駭日昃又行數里得泉之澄泓瀄瀄

者焉湫出石罅激而爲迅流者焉陰木蔭其巖幽草綠其趾竇欲休咸曰莫此地爲宜卽下馬披草蹠石列坐諸生洵觴以進酒數行客有指其西大石曰此可識因命余余乃援筆書凡游者名氏及游之歲月而去又行十許里大抵一峰一盤一溪一曲山勢益奇峭樹木多杉檜栝柏而無他凡木也溪花種種金間玉錯芬秀入鼻幽遠可愛木蘿松檟冑人衣袖又縈紆行數里得岡之高遠陟而上馬力殆不能勝行茂木下又五里兩嶺若岐中得浮屠之居曰大雲寺有僧數輩來迎延入館于寺之東軒林巒樹若櫛比楯立皆在几席之下憩過午謁主僧英公相與步西嶺過文殊巖巖前長杉數本挺立有磴題焉下瞰無底之壑危峰怪石巉峴巧斷試

一臨之毛骨森豎南望五臺諸峰若相聯絡無間斷西北而望峰豁而川明村墟井邑隱約微茫如弈局然徜徉者久之黃緜入西方丈觀故侯同知運使雷君詩石及京叔諸人留題乃徑北嶺登萱草坡蓋龍山絕頂也嶺勢峻絕無路可躋步草而往深弱且滑甚攀捫蘿疲極乃得登西望羣木皆翠杉蒼檜凌雲千尺與山無窮此龍山勝概之大全也降乃復坐文殊巖下置酒小酌日既入輕煙浮雲與暝色會少焉月出寒陰微明散布石土松聲翛然自萬壑來客皆悚視寂聽覺境愈清思愈遠已而相與言曰世其有樂乎此者與酒醺談辨蠶起各主其家山爲勝如郭主太華劉主茲山余主王官五老更嘲迭難不少屈玉峰坐上坐亦怡然一笑詩

所謂善戲謔兮不爲虐兮者政如是也至二鼓乃歸臥
東軒明旦復來各有詩識於石迨午飯主僧丈室已乃
循嶺而東徑甚微木甚茂密僅可通馬行又五里至玉
泉寺山勢漸頗隘樹林漸稀闊顧非龍山比寺西峰曰
望景臺險甚主導客以登厯巖崕坐盤石其傍諸峰羅
列或偃或立或將仆墜或屬而合或離而分賈奇獻異
不一狀北望川口最寬肆金城原野分畫條列厯厯可
數桑乾一水紆繞如玦觀覽曠達此玉泉勝處也從此
歸路嶮不可騎皆步而下重谿峻嶺愈出愈奇抵暮乃
得平地宿李氏山家臥念茲游之富與夫昔所經見而
不能寐若太華之雄尊五老之巧秀女几之婉嚴烏樞
白馬之端重茲山固無之至於奧密淵遠樹林蒼蔚繁

阜不一覽而得則茲山亦其可少哉人之情大抵得於此而遺於彼用於所見而不用於所未見此通患也今中書令湛然公紀西域事稱金山之秀李子微貽友書論和林之勝有過於中州者不知天壤之間六合之內復有幾龍山也因觀山於是乎有得徒以文思淺狹且游之亟無以盡發山水之祕異時當同二三友幅巾藜杖于子而行遇佳處輒留更以筆札自隨隨得隨紀庶幾茲山之髣髴云己亥歲七夕後三日王官廡革爲之記

右恆嶽以西諸山在渾源及應州東境者

由嶽麓循候塘暄谷而北厯玉華翠屏柏梯五峰諸山以達於望狐嶺當渾源廣靈之界嶺西爲亂嶺關有峪通崞川是

爲渾水源嶺東爲白羊山有洞通壺流是爲祁夷水介乎祁夷水南遼水之北者皆恆嶽東支也

水經注祁夷水出平舒縣東逕平舒縣之故城南澤中其

水控引衆泉以成一川魏土地記曰代城西九里有平

舒城西南五里代水所出言代水非也

案平舒城在廣靈縣西十里平水鎮

代城在直隸蔚州東二十里

元和志瀍夷河亦曰瓠觚河上槽狹下流闊有似瓠觚因

名

案周禮鄭注瀍夷與出平舒師古注漢書亦襲其

以瀍水爲并州川乃瀍夷也吉甫此文蓋踵鄭頽之誤今

壺流河出廣靈西三十里東流過蔚州至州東北九十里

入桑乾

天下郡國利病書亂嶺關在渾源州東四十里恆山左

大同府志玉華峰在磁窑峽上北距渾源州十里雙峰

如削玉高二里盤距六里北連翠屏山山北距州治七里高二里盤踞四里秀麗似屏其東南麓澗水出焉一

名高氏山水經注澗水出靈邱縣西北高氏山山海經

作高是明史地理志渾源南有翠屏山

案翠屏山水乃水經注之候塘

川也方志以當澗水而以槍峰嶺之正源爲峒夷分爲二水殊謬

玉華峰之東少北曰

柏山西北距州治十里山多柏上有香爐峰孤起屹立

西南連恆山朱弁記所謂柏梯凌峙於南山之北也故

亦名柏梯遠望峪在其下峪中有泉五峰山西距州治

三十里高四里盤踞十三里五峰如削上有三陽洞明

史地理志渾源東有五峰山渾源河出州東北二十里

汗土峪今名神頭村唐置渾源縣金升州皆以水得名

古謂之醇川水魏書太平真君五年帝自河西觀於醇

川卽此案渾源五代史作渾元銓明宗傳也其置縣無考遼志以爲唐置當是後唐所云渾源川在應州東南一百五十里者卽今州治也望狐山在廣靈縣西六十里土人傳

有神引狐入山故名其言不經案古之飛狐岌在今廣昌蔚州間疑望狐之名實肇於此又縣有壺流河及壺山狐壺音近或傳說耳白羊山東距縣治五十里停雲閣霧離奇竒冥上有觀音寨乃古白羊寺遺址下有小河受瑞泉水東北注壺流河其西小山曰馬蹄嶺

其在澮水以北者由喧谷而東入靈邱界曰漫山其東有牛口谷莎泉水出焉或以爲滋水非也曰花山曰鼓子山並在其東北爲義泉嶺其泉水南流逕縣東入澮爲落水河曰崞道山曰槍嶽嶺又東曰銀釵嶺南連隘門與廣昌界

水經注澮水又東莎泉水注之水導源莎泉南流水側有

莎泉亭東南入於澗水澗水又東經靈邱縣故城應劭曰
趙武靈王葬其東南二十里故縣氏之澗水自縣南流入
峽謂之隘門

舊通志枚迴嶺在靈邱縣西南蔚州古志高是山在西
北七十里滋水出焉東三十八里有枚迴嶺山麓相接
案魏土地記枚迴嶺在鹵城東三十八里蔚志引其文
剛鹵城字以證滋水為壺流河此又襲其誤以當水經
注之莎泉而於廣靈縣又云壺流河源出莎泉帳轉相
拾遂謬以潞南之水遂之於北不知隋以前靈邱縣兼
有今廣靈潭源及直隸阜平之北境枚迴嶺自在地西
南蓋水南出嶺伏流至行唐再發源故隋於其地置茲
陽縣古水標舉山統於一名後人隨地殊稱山海經言
滋水與廣水同出高是山一名後人隨地殊稱山海經言
嶺皆與漢志及說文所云出牛飲山者不合而今滋河
又出五臺縣東界似山海經之高是山統今恆嶽西
南諸山為一志不考古今涇域水道源流斤斤舉一隅以
求合宜其抵悟

大同府志漫山東南距靈邱縣治六十里山勢紆徐旋

折南接紅山東連枚迴嶺嶺距縣三十里乃高是山之

枝麓滋水出焉

案卽水經注之
莎泉詳上

其東界渾源北界廣靈

俗傳竇建德返乘處謂之迴嶺山山下有牛口峪案許

氏說文滋水名出牛飲山白陘谷疑卽所謂牛口峪也

反乘之說殊謬

紫說文水東入呼沱漢書地理志白陘谷作白陸谷在南行唐

花山東

南距縣十二里山多雜卉鼓子山東距縣治三十里平

地突兀似石鼓故名西十里有黑龍谷

案谷水與莎泉水合流

又

西十里有流石山石理作劈斧紋又西十里曰紅山其

石赭色義泉嶺西南距縣三十五里山勢稍拓一嶺當

關盤踞十餘里落水河導源其南嶺半有界石與廣靈

縣分壤迤邐而西曰黑山曰圓山曰貓兒山岡嶺相接

崞道山一名二道峽西南距縣二十里奇險過雁門峭壁笏立數十丈中通一谿路闊數尺晷月雨水暴漲亂石蛻轉而下行者病之其西五里兩峰石壘危然曰駱駝山東十里有聖水山山下出泉又名龍泉山槍嶽嶺西距縣二十里直上千仞繫壁盤行野菊芍藥叢生石縫間西去二里曰孤山平野孤峙故名東五里許曰三山三峰平列如古邱壘狀三山堡距其前地多渠壑路叢雜突入者不易辨又東十里曰銀釵嶺金大定六年世宗幸西京獵於銀山卽此高山旁立嶺陡路歧東接直隸廣昌界明史楊博傳所稱塞銀釵驛馬諸嶺以絕窺紫荆者也

其在祁夷水南者入廣靈境由白羊山而東曰石梯嶺迤南

曰天井山又南曰臨灌山亦曰林管峪北通直谷關其南卽
靈邱之義泉嶺也曰榆杏山曰留老山曰加斗山並在其東
北近接蔚州之唐山口其環祁夷水而孤峙於縣城之東者
曰壺山其自唐山口而東入石門峪南達靈邱東界廣昌有
大嶺盤互於蔚州之南者爲飛狐道卽恆山炭也

水經注祁夷水又東北逕蘭亭南又東北逕石門關北舊
道出中山故關也祁夷水又東北得飛狐谷卽廣野君所

謂杜飛狐之口也

蔚州志唐山在城西七十里地在廣靈

靈邱縣黑石嶺在城南七十里兩鎮

三關志常山關卽飛狐炭今黑石嶺

大同府志白羊山之東十里許曰斷架嶺俗傳有竇建
德墓非所詳也又東曰石梯嶺石磴陡絕東距廣靈縣
治二十里越義泉嶺而北少西曰臨灌山石家泉出焉

一作林管一名林開峪傳寫之異也北距縣治四十里
東臥絕澗西倚危崖谷深林密上有古城址俗傳楊六
郎城無可證實又北二十里有天井山古井深五六尺
雖旱不涸直峪山北距縣治十五里唐志靈邱縣有直
谷關時廣靈未析也谷之左爲紅沙坡東接蔚南山上
有古長城址漢元光五年築案隋圖經開皇長城西自
繁時縣經靈邱縣北七十
里東入飛狐界當卽此隋靈邱縣兼今廣靈地飛狐縣
兼今蔚州地兩鎮三關志以爲趙肅侯長城此從舊通
志謂爲漢元光有巒泉自南來匯爲小河北注於壺流
渠皆臆說也
河少東曰留老山羣峰似戟背袁吉棄父於此其子表
諫而載歸山因此名故里在山下曰留老墮加斗山一
名神峰西北距縣治二十里西接榆杏山西北接留老
山峰巒峭立內有石竇似門明時建寨其上名鐵裏腰

封寨山下加斗乃元總管聶諒故里榆杏山北距縣治二十里石泉懸流兩崖松翳所謂聖泉松風也壺山西北距縣治一里環山皆泉卽壺川水也

右恆嶽東山在渾源及靈邱廣靈二縣境者

由渾源而北抵桑乾川川之南一山橫亘西卽崞山崞川水界之東爲襄山祁夷水界之恆嶽之北支也山之陽曰鳳凰山曰畫錦山在渾源界曰邊耀山亦曰龍首山在應州界而西盡崞口曰九埽山曰平頂山曰巧八山曰飛鳳山在廣靈界而東臨代谷山之陰則自崞口盤折而北東循桑乾迤邐至廣靈北界之六棱山襄山之異名也有火燒嶺有龍澗山在天鎮界西連大同之東川而東爲順聖西川與直隸西甯縣界

方輿紀要崞山漢以此名縣後魏紀太武母竇氏葬崞山別立寢廟故累代皆致祀文成帝太安三年敗崞山遂如繁峙獻文帝皇興二年亦敗崞山如繁峙孝文帝太和初自白登如崞山明年復如崞山自是三年至六年皆親往焉十五年始爲定制惟遣有司行事水經注崞川水出崞縣故城南西流出山謂之崞口故崞縣亦有崞口之名

西甯新志桑乾河南之山爲襄山雲中志云襄山在蔚州北八十里西接應州也山循河而行至大同東南百里之神堂山爲宏州舊境元宏州提舉司李仲璋墓在焉又東二十里曰六棱山兩鎮三關志廣靈之六棱原於應州之龍首是也又東爲火燒嶺舊志謂之火山又東爲黑龍洞舊志謂之滴水崖今皆在天鎮又東曰龍

澍山與縣之青雲山界北至縣城三十五里而東南距

神堂山四十里而遠又曰順聖川卽桑乾川也漢魏無

以桑乾名水者所言桑乾皆縣也其水漢志謂之治武

子傳作台水經謂之湍說文謂之湍案今本水經作湍

皆文也自元魏都平城號其都曰索干三國志任城

稱桑乾酈道元乃有因水立郡之說謂桑乾泉卽湍

水索干湍湍蓋北部語其轉音爲桑乾而遂與漢之縣

名混水經曰湍水出雁門陰館縣東北過代郡桑乾縣

南桑乾故城在今西甯案在縣東九十里祁夷水古曰

桑乾川以漢縣得名今日順聖川以遼縣得名明地理

志言川延袤二百餘里則通大同言之而漢之桑乾東

安陽陽原道人狝氏平邑六縣皆在內兵志又言川百

三十里則舉東西二城言之而今天鎮陽高之南川亦在內

蔚州志水經注引梅福上事云代谷者恆山在南北塞在其北以證代城乃通一國言之前志均謂代谷卽州之石門峪殊謬代谷之名見於管子其名最古代本種多山故習有是稱直如今人之云蔚州川耳

大同府志畫錦山東南距渾源州治二十二里以元工

部尙書孫公亮予告歸爰名山焉

元史孫拱渾源人歷官工部侍郎見工藝

傳疑卽其人

又東曰龍角山雙峰聳峙南距州治二十里鳳

凰山東南距州治七里神谷水發源山麓西南注崞川水邊耀山西南距應州治三十里東界渾源西北界大同形類蟬蛻盤回二百餘里其下崞川水南來逕之一

名龍首山兩鎮三關志蔚北山名爽始脈應州而盡於

蔚城東卽指此山一統志雁門龍首相應故州以應名

九層山東南距廣靈縣治二十五里明史地理志廣靈

北有九層山是也

西甯縣志魏書房謨傳正光末爲昌平太守甚著廉惠及六鎮亂謨率郡

人入九層山結壘拒守時無外援乃中所部介中山九

層山在縣西南八十里今名九層山屬廣靈魏昌平郡

在郡夷水東蔚州北一百一十里

上有九層臺臺下水名一斗泉山

產花斑石又縣西北五里有千福山一名千夫山相傳

前代遣千人取石先禱神祠今鄉民多祈福於此大山

一名平頂山南距縣治三十里區道直躋峻而不險至

嶺巔差廣復聳一山爲平原塢北瞰陽和塞南望太白

峰道通天鎮陽高折西爲夾石溝磴道狹曲乃北界之

屏障少東曰瓦房山以形似名六棱山東南距廣靈縣

治七十里北距天鎮縣治百二十里山脈自應州龍首
來其勢雄峻前後各垂三脊故名六枝嶺巖難躋北眺
柔乾如帶縈繞其下蓋天然阻隘也迤西爲火燒嶺赤
崖爛然其南稍寬坦嶺脊疊石爲邊袤數十丈踰嶺而
北徑復險仄樺山西南距廣靈縣治四十里上有三岔
砦甚險峻案山北連西甯玉屏山東接蔚州五岔嶺龍湖山北距天鎮縣治
百二十里一名青雲山上有鸞峰寺寺之西有黑龍洞
石乳涓滴下有石盆承之歲旱取水輒應天鎮縣志鸞峰寺古塔高十三重咸豐初修塔收塔得石記有貞元字知爲唐時造山有遺礎闊徑八尺土人指爲石鼓寺外泉水三源並導經冬不凍而更倍清冽

謹案崞山方輿紀要繫之今崞縣又謂今縣有崞口
之名皆誤崞口屢見唐書本崞口在太行山今崞縣

西南四十里之崢山乃沿東魏僑置之縣而名證以
魏紀鄴注顯相乖謬又方志多以渾源州西之橫山
當古崢山據水經注縣南面元岳右背崢山居二山
之中故有崢張之名則山出故城之背爲今渾水以
北諸山之通稱不當指爲橫山反在水南魏書釋老
志太和十五年詔於都南桑乾之陰岳山之陽置崇
虛寺審其地望在今山陰縣之岱岳村所謂岳山乃
黃瓜阜也祿泰常中曾於其地建岳嶺祠故祠北之
阜遂有岳稱由是推之知道元所云元岳亦據山祀
岳神而言劉祁遊西山記言東望岳神山可證也蓋
自北魏鑿恆嶺通代都其後遂名代都爲恆州逮於
山北建宏州猶襲其意

西甯新志宏州舊境南距渾源恆山八十里尙書大傳舜

登宏山奏雨伯之樂宏山卽恆山遼宏州之名蓋由此崢嶸之神久徙而南曲

陽之祀今移而北山川顯晦儻亦數歟

右恆嶽以北諸山在渾源應州廣靈及天鎮境者武州山在大同府西二十里以漢縣而名所謂武州塞也山脈自陰山而來厯甯遼寧由朔平入邊盤同於府之四境與大同北山以御河爲界馬邑川在其南桑乾川在其東西則自濱河之老牛灣爲外邊所起迤東至了角山爲內邊所起外邊之南界連甯武準於古亦武州地也今分爲武州西山南山東山以中陵川爲限中陵川者在平魯右玉之兔毛河偏關之關河所導源也

水經注河水又南樹頽水注之水出東山右合中陵川水十三州志曰善無縣南七十五里有中陵縣世祖二十五

年置河水又南大羅水注之水源上承樹頽水南流西轉

逕武州縣故城南十三州志曰武州縣在善無城西南百

五十里北俗謂之大羅城秦樹頽水今清水河中陵水今

河虜西合流入河大羅水今關河亦出平魯至偏關縣西

入河一統志善無故城在右玉縣南中陵故城在平魯縣

北武州故城在左雲縣州一作周又遼有武

州在神池縣東北與漢縣異而地則相近燥水注云桑

乾水自源東南流石合馬邑川水水出馬邑西川東逕馬

邑故城南干賀搜神記曰昔秦人築城於武州塞內城將

成而崩者數矣有馬馳走一地周旋反覆父老異之因依

以築城城乃不崩遂名之爲馬邑又云桑乾水又東左合

武州塞水水出故城東南又云如渾水東南流逕永固縣

右會羊水水出平城縣之西苑外武州塞北又云如渾水

又南與武州川水會水出縣西南山下北流逕武州縣故

城南王莽之桓州也

案如渾水今名御河在大同府城東南流人桑乾此注所云武州故城卽

一統志謂在左雲縣南者

方輿紀要武州山在大同府西二十里武州川水所經也
峪中有石窟寺後魏太武延和三年如北山說者曰武州
山北也孝文延興五年如武州山太和三年如方山遂如
武州山石窟寺七年復如武州石窟寺八年又至魏土地
訛平城宮西三十里有武州塞口卽此山也武州城在朔
州西百五十里南去岢嵐州百十里戰國時趙之武州塞
漢爲武州縣屬雁門郡武帝元光二年王恢誘匈奴入馬
邑匈奴遂入武州塞未至馬邑百餘里知漢有伏兵還出
塞後漢末縣廢後譌爲武周魏太武破柔然高車勅勒諸
部皆來降其部落附塞下而居自武州塞以西謂之西部

以東謂之東部依漠南而居者謂之北部崔浩曰平城首
西百里有武州城恐非漢之故城矣魏收志武州縣屬代
郡隋省入朔州雲內縣唐武德七年突厥寇代州之武州
城續通考鄯陽縣有武州塞遼於此置神武縣屬朔州重
熙九年置武州治焉亦曰宜威軍金人省縣入州元因之
明初廢

齊通志偏頭關漢武州縣地東連了角山西連黃河隔
河套裁一水

謹案水經注漢武州故城有二於武州川水兼地理
志其地在善無縣東於大羅水引十三州志其地在
善無縣西南兩城相距約二百里善無爲雁門郡治
後漢移定襄郡治之武州與中陵前漢並屬雁門後

漢則割中陵屬定襄而武州如故詳郡注似以善無東之故城爲前漢縣其西南之故城爲後漢縣蓋自盧芳之亂邊郡並廢建武二十六年始復建郡東觀漢記言其時城邑邱墟埽地更爲其并省亦具於郡國志關駟言中陵爲世祖所置則其城亦非前漢之舊又言汾水出武州之燕京山則並今之甯武亦在縣界其南徙固當與雁門郡改怡陰館同時矣一統志獨舉左雲之故城固與十三州志不合方輿紀要辨爲宜在朔州又與北魏書水經注不合若方志於五寨偏關神池皆指爲故城所在則更以遼金之州名混於兩漢之舊縣緣郡注於中陵諸水正源支流種複錯舉推尋川次條別爲艱茲核以今之水道準

以古之城邑惟舉偏關之山屬之武州以名相繫仍
以示別也

中陵川之西爲烏龍山東北距平魯五十里其北谿澗西出
外邊爲樹頽水其南谿澗匯於大羅水入內邊爲關河漢武
州在焉河之北岡巒起伏可名者曰丫角山曰駝洞曰常勝
山曰北峰巖皆邊牆所環迤邐至黃河止常勝山之南曰鎧
明臺曰草垛山又南曰北石梯曰白龍殿又南爲韓光嶺卽
偏頭關也今偏關縣所治與雁門甯武夙稱三關

水經注大羅水逕武州縣故城南

文見前

西南流一水注之

水導故城西北五十里南流逕城西北俗名之曰故盤回

城又南流注大羅河大羅河又西南流注於河

舊通志關河卽官河

也東南接朔州界距偏關百四十里東接平魯界距偏關
百二十里北達垣外源出老營堡狐狸溝鴉兒巖沙窰寺

諸泉西流經縣南折而繞城西直溯關河口入黃河大泉
溝在縣北七十里地有湧泉會紅水溝折入關河案關
河出平魯縣西三十里鎮川口西南流二十里入偏關界
又西二十里穿內邊入會狐狸溝諸水西徑老營堡南大
泉溝水合紅門口水南流來會老營堡在縣東九十里東
北距朔平府八十里以歸注核之武州故城當在堡東平
魯界故盤回城則於堡爲近也

方輿紀要偏頭關古武州地東連了角山西逼黃河其地
東仰西伏因名偏頭宋置偏頭寨金因之元升爲關邊防
考關城四面皆山形若覆盂外邊自老牛灣起至

舊通志駱駝山在縣東北七十里相傳李文忠北征憩
兵於此有駝洞深不可測土人秉炬入里許蝶大似箕
翔舞逼人常勝山在縣北六十里右連老牛灣左接滑
石澗雄視塞外故名北峰巖在縣西北五十里高百仞
臨黃河岸上有石洞數十相傳僧北峰棲此案當是明
僧金碧峰

之草垛山在縣東北六十里有堡明盤臺山在縣北五
十里崖峽中銜鐵蓋相傳昔嘗放光北石梯嶺在縣北
十里高三里磴道盤旋山脈聯滑石澗老牛灣二堡白
龍殿山在縣東北五里山環峰繞下有石洞巖水滴沼
名石沼洞山脈迤東北七十里聯水泉邊隘韓光嶺在
縣東一里北漢建偏頭砦遼置武甯縣晉存案遼志無
武甯縣似
因武州併入甯
遠縣奉合爲一

甯武府志視遠洞在縣東北一百十里乃五眼井邊隘
也成樓遠眺下有石洞南堡山在縣東百里有五色
石柏楊嶺亦在縣東百里又有鄧家山馬頭山在老營
堡西北好漢山在堡東土寨山在縣東九十五里孤峰
獨立迥出羣山雙碑堰在縣東九十里馬鞍山之役游

擊梁平守備祝謨陷伏七百餘人皆歿巡撫萬恭勅雙
碑記七百人於此故名馬家山在縣東八十里有朝
陽洞洞中有陰陽二穴陽穴深不極近穴如聞風雨聲
鎮溝樓在縣東八十里亦險隘地又東五里有鴉兒砦
雕窩山在縣東七十五里又有西山石壁巔絕馬鞍山
在縣東七十里明嘉靖中俺答由此山入犯老營堡吳
泉嶺在縣東七十里高百餘仞西與草廠接躡當炎暑
涼風凜然下有泉草廠山在縣東六十里虎頭山劉家
山並在縣東四十里十八盤在縣北四十里高百餘丈
蠶虎口在滑石澗稱邊隘地昭君堰紫荊山並在縣西
北二十里雙鳳山在縣東七里兩山對峙中界關河下
有泉二名鳳眼九龍山在縣城外九峰相環

樹頭水今汾溪也出邊爲清水河循邊而北曰寺懷山曰大頭山與烏龍山皆源所導也迤東曰迎恩山曰馬瞭山又北曰紅山所謂小青山也其左有穰兒山當平魯縣北與泉兒山連中陵川水所匯也北流逕碧峰山入右玉界爲南大河川之中岡嶺回互曰王化山曰馬蹄梁其爲縣城所倚者曰北固山

水經注中陵川水出中陵縣西南山下北俗謂之大浴真

山水亦取名焉東北流逕中陵縣故城東

今俗謂之大浴真說河出平魯縣

東南山下西流折北入縣城內又西出城垣繞城而東達右玉縣界案此則古中陵縣在今縣城東大浴真山當是至星臺北嶽

峰二山矣

又云中陵川水自枝津西北流右合一水曰

詰升袁河西南流逕沃陽縣左合中陵水亂流西南與一

水合北俗謂之樹頭水水出東山西南流石合詰升袁水

亂流西南注分爲二水左水枝分南出北俗謂之大羅河
右水西逕故城南北俗謂之新城其水自城西南流注於
河舊通志頭道河二道河三道河得在朔平府邊外即免
源出平魯邊內西北諸山經大水七墩二口合邊外諸水
西北流至岔河口入黃河案免毛河即中陵川水清故注
即樹頭水也鄭注以樹頭水爲經流中陵川水附之故注
於河水又南樹頭水注之東出東山云其下即敘中陵
川水至二水相合復申明之曰北俗謂之樹頭水出東
山下所云東山以在黃河之東而言正平魯之西山也則
樹頭水之即清河水無疑至大羅水注則此一經流故此注
後又出河字云河水又南大羅水注之此水之源亦或
之哭災水又指其經流固相符也舊志沒以清水何常耶注
注河縣氏次之於前不能遠越重山即所云七墩大水二
口之源出遼金源將水北之武州樂道二城置之何地乎
明史地理志平虜衛西有小青山

舊通志寺懷山在縣西四十里連烏龍洞諸山大頭山
在縣西北四十里下有大嘴溝樊家河響泉諸水乃揚

溪河之源也迎恩山在縣西三十里馬瞭山在縣西二
十里相傳唐尉遲敬德瞭馬於此紅山在縣北四十里
土石胥紅碾兒山在縣北三十里又西北五十里有磨
河幽杏莫收入連縣北碾兒山泉兒山在縣北三十里旁有牛洞溝老
蛇溝石灣子王定審海子窰諸山乃滄頭河之源也碧
峰山在縣北二十里三層洞北兩峰並峙中凹後突上
建觀音塔可眺數十里碧峰洞在塔北斷橋樓在山
石巖壁立數丈中有石窰前有深華懸王化山在縣北七里馬蹄梁在縣東北三里山
坡石有馬蹄迹深五六寸北固山在縣城內正北高十
丈有奇背築敵臺明總督翁萬達題名最高峰千佛洞
壁相傳龍破壁飛去至今石片有似鱗甲又奎星臺山
在東門外孤峰高聳北嶽峰在南門外相鼎峙

朔平府志平魯縣邊界東北自右玉威遠城起南至偏
關老營堡止沿邊長五十七里

其在右玉平魯界下臨中陵川水者爲三層洞迤而西曰石
香鑪峰曰泥溝山循平魯北山之陰以達於邊曰總瞭山其
北曰尖山曰華林山曰鶯窩山曰雷公山止於府城之右是
爲善無西山中陵水匯而爲澤北出邊是爲善無北陂邊之
北與和林格爾廳界迤西南歷平魯偏關與清水河廳界

魏書帝紀道武皇始元年正月大蒐於定襄之虎山因東
幸善無北陂明元永興五年南次定襄大落城東踰七嶺

山田於善無川泰常六年七月西巡獵於柞山親射虎獲
之遂至於河八月大獮於犢渚朔平府志犢渚在城北十里發源驛山與馬營河會流出口沙岸漫衍平放源洞案此即善無北陂中陵川與兔毛諸水匯爲澤各其名與犢渚近據魏書四年車

鷲峰河大蒐於舊清則與善無北陝明是兩地心觀
山非嶺當在府西大落城方輿紀要謂在朔州非是

舊通志三層洞在平魯縣東北二十里相傳仙人采藥

王化山鍊丹於洞北明成化間建塔石香鑪峰在右玉

縣南威遠堡西二十里又平魯縣北四十里有石香鑪

峰蓋一泥溝山在威遠堡南五十里山多文石具山水

花木形琢而成器尖山在縣西南威遠堡界尖峰疊秀

中有聖水堂禱雨輒應一名聖水山又係西魏瞭山在

縣西四十里雲石堡界華林山在縣西三十里又有

千戶河鷲高山在縣西十四里高峰矗起陟嶺可眺百

里旁列小峰四雷公山在縣西十里延袤數十里北連

邊外下有神泉禱雨輒應山嶺白石久暎則色燥似焚

將雨則潤生礎

朔平府志邊界自縣境殺虎協南至平魯縣沿邊長一百十八里

右武州西山在右玉平魯及偏關境者

中陵川之南與朔州連山者西起武州故城得彌澤源與神池縣界東訖武州古塞得大峪口與懷仁縣界桑乾之水源出南麓習稱馬邑川也其山西多陂陀界連平魯而南與管涔遙隔東多峻嶺界連左雲而南與句注對峙桑乾經流自西南而東北川原駢行直通雲應有長阜孤臥於水北者爲黃花嶺山之餘也以當武州塞口故悉統於武州南山

寰宇記武州山冀州圖云在郡西北東西數百里南北五

十里山之南面千仞壁立

案隋書地理志馬邑郡雲內縣有乾真山白登山武周山雲內

今大同山在其西與白登對峙而圖經則以馬邑山爲北山與大同西指一脊相連也故樂史引其文於朔州

下可爲州北諸山通稱武州之說
矣州訪周地形志已然隋志同

方輿紀要潞澤在朔州西南晉太元十二年後魏道武會

燕慕容麟擊劉顯於潞澤破之魏書顯奔馬邑之西山宋

縣北六十里利民隔嶺口在懷仁縣西南五十里北有大

峪小峪蘆子溝毛四口並爲戍守要地大同府志水經出

毛小峪大峪紐山峪諸口之水東南入桑乾水自天地伏

流至洪溝山下匯爲七源合爲一流由馬邑西東南流入

山陰懷仁縣界晉咸康五年代王什翼健議都潞源川後

魏主泰常八年如馬邑觀潞源其後太武亦常西如馬邑

觀潞源黃花嶺在應州西北三十里又南去山陰縣四十

里卽黃瓜堆也

其與平得邊界連而過東者曰龍虎山其右有孤峰曰月山

山中溪澗西歸關河爲朔州西北之山連岡而南曰顧北嶺
曰西華嶺曰鞍子嶺迤東至魚梁嶺止諸嶺之西爲達沐河
卽彌澤也與神池界嶺東爲馬邑西川川北山脊峻起曰三
塔峴曰黑梁山岸澗水出焉循澗而北其山環峙於平魯之
南者曰天門山曰十二連山屬平魯曰彈子山屬朔州

水經注桑乾水自源東南流右合馬邑川水水出馬邑西

川俗謂之磨川矣蓋狄語音訛馬磨聲相近故其水東逕

馬邑縣故城南東注桑乾水

案今岸屬水自三塔峴下峪
源出峪東與七里河合流

逕朔州北州卽古馬邑縣也水經注所云馬邑西川
者指州西至魚梁嶺大川而言岸澗水爲近源耳

朔州志龍虎山一名無忌山在州西北九十里鄧國公

尉遲氏墓在焉其下有鄧公故宅另山在其西北孤峰

獨峙不與羣山連因名顧北嶺在州西北四十里昔有

土人其母被虜日登嶺望母死葬嶺上故名又有門家嶺

連中有蹊徑通遼外西華嶺在州西五十里西山時當

爲出入孔道今塞盛暑尙覺氣寒鞍子嶺亦在西山後魚梁嶺在州西四

十里石上有魚形故名路通利民堡通志州西四十里

里東盤踞百里有奇西連鞍子坪北連魚梁嶺其三道日夕靈光四照又有單于嶺在鞍子嶺北三塔

鬼卽黨家山在州西北三十五里山半有泉旱騰輒應

黑梁山在州西北二十里與三塔鬼連高出羣山之表

百里外望之皆見唐豐王墓在其上彈子山在州北八

十里石路峻嶒羣峰疊翠與平魯井坪山相連

朔平府志天門山在平魯縣南四十里井坪城北山高

峻險上建佛寺南北通衢往來停驂其西芒牛山下有

石洞水泉爲邑名勝十二連山在井坪西南十五里上

有十二峰翠靄相連

岸澗口之東曰元姬山北連玉屏山南出之峪曰臘河口有寶峰在峪內爲朔州北山臘河口之東曰神頭山曰雷山皆洪濤山之上首也桑乾諸源羣匯其麓循麓而北曰契吳山在其右馬頭山在其左連懷仁界爲朔州東北之山其在平魯境者曰赤汭山西接天門曰黃草梁東通懷仁之偏嶺

水經注灤水又東北流右會桑乾水縣西北上平洪源七輪謂之桑乾泉卽淶涑水者也晉老云其水潛通承太原汾陽縣北燕京山之天池宋漢陰館縣在今馬邑縣東南二十五里之下館城水源出其西北也下館今譌下關

御覽冀州圖經云元姬山在馬邑後魏書云道武侍人姓李善詎歌死葬此山魏主思之樂府爲之曲其曲存焉朔州

志山在州北三十里

金史地理志朔州馬邑縣有洪濤山濤水又曰桑乾河

志洪濤山在縣北十里高三里盤踞八里連雷山西接元
姬山上有五峰下有七泉湧出名黃道泉水又石洪濤
泉即濤水也一名神頭山又名深頭山案濤水今灰河出
甯武累頭山在州南與句注山連以爲一源一山脈又元
有桑乾道即榆竿嶺也道通上都
史謂爲桑乾嶺志引爲證尤謬

朔州志玉屏山在州北六十里志云西接襄山金李純甫居此梵玉屏山主案

此踵明統志之誤襄山在直隸西南縣與大同南寶峰
川山連西甯金之宏州純甫宏州襄陰縣人也

山在州北四十里臘河口內中有聖佛巖明嘉靖間山

麓傾裂見出石佛二尊居民建寺其上因以名山神頭

山在州東北三十五里洪濤山上契吳山在州東北五

十里與洪濤連又苗家山在州東北三十里亦相連石

磴崎嶇僅通人行

朔平府志雷山在馬邑西北十里高三里西與朔州元
姬山連上有六峰下有源泉出焉

即上源泉也爲桑乾七泉之一馬頭

山在馬邑北一十五里西連洪海山上有三峰中峰最高以形似名赤岔山在平魯縣東南三十里羣峰聳拔蜿蜒相接界連右玉朔州諸山黃草梁山在平魯縣東南八十里崇巖峻嶺回環盤繞中多林木界連朔州懷仁諸山

大峪口在懷仁西南界古武州塞之南口也峪水東流入桑乾曰燕家山曰金龍山並在峪道之南偏嶺之北其西有四峰山夾峙峪內者爲左雲之南山其東爲黃瓜阜在峪口迤南即黃花嶺也延袤於懷仁山陰應州之界

水經注武州塞水出故城東南流出山逕日沒城南蓋夕

陽西頽戎車所薄之故城也東有日中城城東又有早起城在黃瓜阜北曲中其水又東流右注桑乾水桑乾水又東南逕黃瓜阜曲西又屈逕其堆南

大同府志大峪山東北距懷仁縣治五十里與左雲四

峰山連接雙峰對峙路差廣可行車南達雁門桑峪口南距雁

門關外廣武站百七十里西通紅羊峪雲西代北要道也大峪河出

口東流入桑乾燕家山東北距縣六十里上有燕家洞

又西南十里曰金龍山山下有泉通馬邑金龍池黃花

嶺南距山陰縣治西距應州治皆四十里東北距懷仁

縣治六十里金仙山距縣治五十里其北阜也上有金仙洞懸石如樓閣其南曰滴水崖又有米

家嶺大于口並屬山陰桑乾河逕其南平坡長坂屈曲聯絡延袤

五十餘里元大德四年發軍民九千餘屯田其地以漬

河土沃故也古名黃瓜堆北魏穆帝六年

當云晉代玉拓拔狗盧

嘗於故平城南百里潞水之陽黃瓜堆築新平城北齊

天保六年柔然攻肆州文宣自晉陽討之至恆州黃瓜

堆水經注亦作黃瓜阜其後謗瓜爲花唐嗣聖四年朔

州烽警詔總管黑齒常之與戰黃花堆元和中沙陀朱

邪執宜保神武川之黃花堆是也金史地理志應州金

城縣有黃瓜堆山陰有黃花嶺則誤以爲兩山矣史記

趙武靈王十九年西至河登黃華之上正義曰西河側

之山名卽今朔州西五十里之西華嶺不在府境

案朔州西

之嶺雖別名黃花而距河尙二百里亦不合其山當在河套間也

右武州南山在平魯朔州及懷仁境者

中陵川之東南連平魯者爲右玉之貸敢山極北邊界者爲

左雲之彌陀山中間岡橫迥合以西之水皆歸於川北出殺虎口爲兔毛川以東之水則穿武州塞會如渾水以達於桑乾塞首卽武州山之正峰也北接彌陀山南達大峪口盤亘深阻沿麓二百里爲大朔二府之界

水經注中陵川水又西北右合一水水出東山北俗謂貸敢山水又受名焉其水西北流注於中陵水

金史地理志西京大同府宣甯縣有彌陀山

明史地理志大同縣西有武州山武州水出焉又東有御

河原誤街河案寰宇記引水經注街河水西府合桑乾水今水經注無此文蓋誤謄矣一名如渾

水南有十里河流合焉卽武州川也俗名合河南入於桑

乾大同右衛東北有海子窰兔毛川出焉分爲二水一東

南流入左衛界左衛下云北有兔川卽武州川也案兔毛河出右玉東緊駝山界連左雲遂誤以爲

同源也又云衛西北有御河其一西北流自殺虎口出塞更以大同之水誤繫於此

威遠衛南有大南山西有小南山又南有南大河下流入

於兔毛川

案大小南山並在衛東又案南大河卽中陵水海子底在平魯北十五里乃其別源而志以兔

毛河所出亦非

其在平魯之極東者曰駝嘴山迤北爲龍泉山與碧峰之三層洞隔川並峙又北曰小南山迤東曰牛心山在右玉界其水並西北入中陵川或卽貸敢水也又北曰大南山一名貸蘭山曰黃土山在其東曰紅土嶺在其北悉坡陀之相屬者而東北抵盤石嶺與左雲界踰窟嶺接

舊通志秦駝嘴山在平魯縣東五十里東西二溝中有邱陵殊肖駝嘴龍泉山在縣東北二十里龍泉村盤踞數十里連右玉界北山突兀東西二峰壁立上建寺小

南山在右玉縣南威遠堡東二十里下有海窟廣一畝
水殊澄冽牛心山在縣東南四十五里牛心堡南遞高
八里旋折而上孤峰插雲巔平麓圓四望無際左右開
黑石二峽嶽崎空洞土人曰牛心孔竅也山下清泉澄
澈潺湲號爲勝地大南山在縣南三十里威遠堡東北
十五里形如華蓋高百仞盤踞四十里山半有元洞中
豎孝文碑潯州府志碑字磨滅可辨者有上爲孝夏拂
文皇帝字疑是魏孝文而書又類唐人夏拂
涼颺冬涌溫泉山陽有蕭通元洞土人傳通元是第八
仙云又有長雞洞又鈔輞山在威遠堡東十里黃土山在縣南五十
里紅土嶺在縣東南十五里盤石嶺在縣東四十里踏
窟嶺在縣東五十里連左雲界高山堡北連邊牆三十
里上有三峰相傳昭君出塞道經此

蹄窟嶺之北與邊牆直者曰彌陀山迤南爲藥駝山兔毛水出焉古吐文山也其水二源並導至府城北西入中陵川水循川而北有混元峰彌陀山之餘支也在殺虎口

水經注中陵水又西北流經善無縣故城西王莽之陰館也十三州志曰舊定襄郡治地理志雁門郡治其水又西北流右會一水水出東山下北俗謂之吐文山水又取名焉北流逕鋤亭南又西流逕土壁亭南西出峽左入中陵水

舊通志駱駝山在右玉縣東三十里兔毛馬營二河源此藥駝山在左雲縣東十里接右玉界

右玉縣志馬營河在縣北八里發源東七十里左雲縣界師家口兔毛河發源縣東北十里駱駝山下西流至

城北八里匯馬營諸河出口外案此則左雲西北右玉東北之山皆屬注所云吐文山者勛亭土壁爲水所逕常專指馬營河矣混元峰在縣北二十里殺虎口東高十五丈東北胥連邊外盤踞數十里山半有清泉九廣義河之源也

朔平府志邊界東北自左雲縣甯魯堡交界起西至殺虎協長六十里

其在左雲縣境者自察陀山而東爲武州川蓋秦以來故縣所治也曰孤山古黃阜也曰龍王堂山古聖山也其水並東南入川自川而東曰李洪嶺又東曰焦山又東曰石佛寺山卽武州山也與大同界其北沿邊界者曰黑龍山曰長城嶺曰馬頭山皆彌陀山之正幹也逶迤而東至大同之得勝口止

水經注武州川水出縣西南山下二源翼導俱發一山東
北流合成一川北流逕武州縣故城西又東北右合黃水
水西出黃阜下東北流聖山之水注焉水出西山東流注
於黃水黃水又東注武州川水武州川水又東南流水側
有石祇洹舍并諸窟室比邱尼所居也其水又東轉徑靈
巖南鑿石開山因巖結構真容巨壯世法所希山堂水殿
煙寺相望林淵錦鏡綴目新眺

舊通志孤山在左雲縣西北二十里孤峙龍泉上龍泉在山

之陽水東流龍王堂山有二一在縣北二十里山前有龍泉

禱雨輒應案此與孤山之龍泉別爲一源以水經注核

縣東縣南之寥家河出城東南背澗河出城西南合流至
程城北即武州川二源水也又東流與之合與縣注悉
符似故武州城即李洪嶺在縣東三十里雲西堡界焦
在今縣南東南矣

山在縣東六十里高山城北孤峰突起上有寺緣空洞

而下臨肖盡河州水土人曰肖盡之名殆爲焦山設

也石佛寺山在縣東九十里一名佛窰山迤東數武石

寶噴水山卽拓跋魏時石窟也魏書釋老志沙門曇曜

石壁開窟五所鑿建佛像各一於京城西武州案鑿山

大六十尺案寺今屬左雲舊志詳於大同山彌陀山在

縣北四十里東西袤百里北連口外黑龍山在縣北四

十里甯魯堡西峻峰巖巖遠眺縣殊似棋局長城嶺在

縣東北三十里馬頭山在縣東北八十里

朔平府志左雲縣邊界東北白拒門起接大同界西至

甯魯堡沿邊長八十六里

武州川水之南曰寶鳳山近城阜也南直紅羊峪川水導源

其麓俗名參家河峪道南通偏嶺其山多屬石玉其東則達

懷仁之大峪口曰南龍堂山曰四峰山曰雕嶺山與懷仁界
連北爲火山與大同界火山之西溪水自高山城北注於川
水經注武州川水又東歷故亭北右合火山西溪水水導
源火山西北流山上有火井南北六十七里廣減尺許源
深不見底炎勢上升常若微雷發響以草燬之則煙勝火
發其山以火從地出故亦名熒瑩矣火井東五六尺又有
湯井廣輪與火井相狀熱勢又同以草納之則不然皆沾
濡霧結故俗以湯井爲目井東有火井祠以時祀祭焉井
北百餘步東西谷廣十許步下有風穴厥大容人其深不
測而穴中肅肅常有微風雖三伏盛暑猶須襲裘寒吹陵
人不可暫停其水東北流注於武州川水

明史地理志大同左衛東有雕嶺山

方輿紀要武州川水源出武州山西白羊山谿谷中白羊城今

左雲

舊通志紅羊峪在縣南四十里大峪山在縣東南六十

里雙峰對峙川澗中總林木森鬱石炭滋殖袤亙數十

里案峪水發源縣南三十里石炭溝即武州塞水也南五龍堂山在縣東南三

十里所謂龍巖也四峰山在縣南六十里四山並峙突

兀凌空連吳家密東山雕峪在縣南七十里有雕窠寺

案馬家河在城南源出縣東馬家河西流經南

門外折北經武家園復折東環城南合渾河以入桑乾

案當云東出縣界合紙坊頭河在縣東四十里舊高山

西南石壁湧泉北流折東案高山舊城去縣六十里水至城西入武州川水以

注核之確為火山西溪水而所云火井湯井風穴皆不得證惟紙坊頭一帶東連大同懷仁西山皆產石炭運

行最廣宣大二府極於邊外多取
給於此道元目爲火山非虛也

左雲縣志寶鳳山在縣南數里

右玉縣志張良洞在縣東南一百五十里偏嶺府志作百里案

嶺口屬懷仁連左雲平魯界
又應州安東衛亦寄治其間

其在大同境者由彌陀山臨孤山灣而下至府城之西北者
爲雷公山以南至武州山古武州塞口也曰佛字灣在川水
北曰雙化嶺在川水南曰拖皮嶺下臨口泉峪峪水卽火山
東溪也又南曰坤雲山曰禪房山迤而東曰七峰山與懷仁
界

水經注武州川水又東南流出山魏土地記曰平城西三
十里武州塞口者也案三字衍或乙轉作十三今山去府城二十里魏平城在今城西不當反

遠於水自枝渠南流東南出火山水注之水發源火山東
今也

溪東北流出山山有石炭火之熱同樵炭也又東注武州

川還平城縣南東南流注於如憐水

隋圖經火山在定襄縣西五里

案隋定襄城在府西南二十八里

方輿紀要雷公山在府西北十五里後唐清泰末雲州軍亂謀應河東節度使沙彥珣走西山據雷公口收兵入城討定之卽此火山在府東南後魏孝文太和四年幸白登山又幸火山旣而復自平城幸火山

大同府志神山今土人謂之孤山又有孤山村又南曰

野狐嶺南距府治二十六里

得勝河自阜北注如憐水志稱爲孤山海又云唐李

克用引兵自神堆夜入雲州武州川水東逕青蓋窰入疑卽此非神堆卽黃瓜堆也

府境石壁鐫佛字大徑丈名佛字灣雙化嶺東距府治

三十里北連武州山東南連拖皮嶺南北二峰尤高嶺

西有古寺蹟隸左雲界鳳山亦稱坤雲山東北距府治

四十里西連土嶺南連口泉峪泉水出焉東北注武州

川泉入峪匯爲方池池上結小亭西有橋度橋涉磴數十梯而上有泉神廟廟左古井一乃泉源也案卽大山東溪也去西明嘉靖間大同遊擊焦澤從周尙文戰

獲約十里餘

彌陀鳳凰卽此七峰山在坤雲南五里許其陰隸大同

其陽隸懷仁山有七峰曰筆峰曰太史峰曰劍峰曰鼉

峰曰白雲峰曰摩天峰曰玉女峰摩天峰最高其脊有

青石盤旋至嶺遠視似龍壁有玉龍洞洞口風聲迅疾

深杳不測又有天橋東壁鑿石梯百級援鐵紐僣僕側

足而上洞上巉巖聳出東建恆嶽行祠風雨不侵又東

三里有黃龍洞禪房山東北距府治六十里西連懷仁

馬石嶺北連七峰山山南之月窟嶺一峰壁立土人名

丈人峰上有塔浮圖佛寺晉遼建

大同縣志縣邊界北自得勝堡至左雲縣拒門堡止沿邊七十二里

其在懷仁境者循七峰山之陽由馬石嶺與大同分山東出爲鷲毛峪曰得勝山曰團山在其北曰清涼山曰錦屏山在其南又南曰蘆子山曰牙余山歷小峪紅山峪而南與大峪口接

金史地理志懷仁有清涼山錦屏山

大同府志懷仁縣西北十五里曰鷲毛口里八莊河所導源也又西北五里曰得勝山山脊崎嶇盤梯躋攀而上陳家峪東南距縣治二十里峪西北五里有團山與朔州之陳家峪名同地異由鷲毛口而南曰清涼山距縣治十五里

高二里許有博浮圖數十里外可望見舊有利國鐵冶
元西京鑑冶之一也北壁有石土人云內有金鑽約三
寸許觸之輒動取之不出石堂內有地鼓石擊之聲如
鼓西有寒泉雖盛暑不敢飲下建文殊院錦屏山東距
縣治二十里山峰聳翠舊有瓷窑鐵冶蘆子山東北距
縣治二十五里其下爲蘆子口舊有鐵冶小峪山東北
距縣治二十里小峪口水出焉東南注於桑乾河山頂
有張萬戶洞其西南曰鴉鴿峪東北距縣治三十里又
西南曰牙余山在紅山峪上有捨身崖東北距縣治三
十五里

右武州東山在平魯右玉左雲及大同懷仁境者

山西通志卷三十八